

مالک اولدیفنی خبر و بررسه منون اولورسک سانیرم ! بوراسنی سکا
و بردم. استه دیک قدر بورایه کل، اوطور، کز، دکن ! بوراده قال .

— تشکر ایدرم . فقط بن حیاتم بوراده !
غودفری بونی سویلیه رک فینانک یانه تقرب ایلمشیدی .
فینا صورتی که :

— صحیح بوراده قالق استرمیسک غودفری ؟
— اصلاً !

دلیقانلینک بوسوزی پک صمیمی ایدی . بعده علاوه دیدی که :
— قالیرم ! فقط فیناجنم ، سن برابر اوله جقسک دایم ده برابر
قاله جق ؛ واپورسک راهی هان کلوب نکاجزی قییه جق .
قولدروب دیری که :

— اوغم واپورده راهب یوق . فقط سانفرانسیسقوده بوخدمتی
انفا ایلیه جک راهب بولونور سانیرم . اونک ایچون هان یارین صباح یوله
چیقاجز .
قولدروب ایله فینا غودفریدن آطه بی کنیدیلرینه کوسترمسنی رجا
ایلدیلر .

حیف ! ویلتریدن اثر قاله مشیدی . اغاج قوووغندن متشکل اقامتکاهی
حریق محو ایتمشیدی . اکر قولدروب کله مش اولسه ایدی بزم قضا زده لر
قدش اوزری یوردسز ، ملزمه سز حقیقه آجینه جق حاله اوغرا یورلر ایدی .
غودفری دیدی که :
— آطه بی فینا تسمیه ایلدیکمز کی ایچنده اوطوردیغمز اغاجه دخی
ویلتزی دیمشیدک .

— او یله ایسه اغاجک تخمندن آله مده بزم باغچه یه دیکلم .
ائثای زیارتده اوزاقدن برقاچ جنوار کوردیلر ایسه ده بونلر آرتق
غلبه لکه صوقیله میورلر ایدی . بونلرک وجودینه حاله عقل ایردیره میورلردی .
اقشام اوزری واپوره کلدیلر ؛ تارتله تسماحنی برابر آلتی اوزره
مساعده ایستدی ، و مساعده بی استحصال ایلدی .
واپورده برضیافت اجرا ایلدیلر ؛ قضا زده لرک عن و مشاق مضحکه
لرنی ، غودفری ایله فینانک نشان تعاطیسی مساحنی مکملآ آلفشلا دیلر .
کانون ثانینک ۲۰ سنه مصادف فرداسی کون (درهم) قپودان تورقونک
قومانده سیله حرکت ایلدی ، غودفری کوکرته دن ایرلدی ، سپنسر
آطه سنک صوک خیالنه قدر صبر ایلیور ، شوراده کچر دیک آلتی آلیق حیاتی
اونوده میوردی .

یولجلیق لطیف هوا ایله خوش روز کارله چابوق اولدی . دره مک
یلکنلرنی ده آجدیلر .
کانون ثانینک ۲۳ نجی کونی واپور کال راحتله سانفرانسیسقو لیمانه
کپردی .

از زمان نه کورسهر بکنیرسکنز ؟
کیجه فینا آطه سنندن یوزره رک کلوب انبارده صاقلانان بر آدمک
میدانه چیقیدیفنی کورسونلری ؟ هم بو آدم کیم ایدی بیلیرمیسکنز ؟ بو
عنزمت زماننده برابر کلدیکی کیم شمدی عودت ایدن چینلی (سنخ بو)
ایدی . بو آدم قولدروبه تقربله :

— موسیو قولدروبک عفورنی استرحام ایدرم . واپور زمان
حرکتده شانفهایه کیدیور سانهرق را کب اولشیدم ، شمدی مادامکه
سانفرانسیسقویه دوندک . مساعده لری ایله چیقوروم .

هرکس وله وحیرت ایچنده ایدی . قولدروب دیدی که :
— سن آلتی آیدر واپورک انبارنده یا تمک یا ؟
— خیر .

— ای نرهمه ایدک ؟
— سپنسرده .

غودفری بوراده متحیرانه چاپقدی :
— سنمی ؟

— اوت .

— او حالده او کوردیکمز اودومانلر ؟

— آتشنز یلاو پیشری ؟

— نیچون بزم یا نزهه سو قولدک ؟

— بز چینلیر قیرلرده یالکنلری ده زیاده سوهرز !

چینلی بر سلام ویردکنن سوکره واپوردن چیقوب کیتدی .

غودفری دیدی که :

— پک اعلا ؛ دومانی اکلادق . ای جنوارلر ؟

تارتله ت علاوه ایتدی که :

— بن تسماح ! بولک جوانی کیم ویره جک ؟

قولدروب بومسئله بردرلو جهت حل بوله میور ایدی .

برقاچ کون سوکره غودفری ایله فینانک ازدواجی اجرا اولندی .

زنگین بانکرک بوبابده نقدر فدا کارلق ایتدیکنی سویلمک لازم کلز سانیرز .

دو کونده تارتله رفص و حسن معامله ده مهارتی ، خصوصاً طلبه سنک

مکملیتی کوستردی .

معلم تسماحی بعضیلرینک یابدیفنی کیم بیون باغنه ایکنه اوله رق طاقه میه جفندن

بونی هیچ اولزسه دولدرتغه قرار ویردی . کوزلجه دولدقندن سوکره

حیوانک قوشمه وضعتنده ، آغزی آچیق اوله رق اوطه سنک طاوانه

آصه جق ایدی .

حیوانی اک مشهور دولدریچیلردن برینه کوندردیلر ؛ چوق سورمدی ،

معلمک ارزوسنه مطابق اوله رق یاپیلوب کلدی . هرکس کلوب جنواری

سیر ایلیور ایدی . حیوانی دولدرن آدم پاره سنی آلفه کلدیکی زمان

دیدی که :

— تسماح نرهدن کلدیکنی بیلورسکنز دکلی افندم ؟

— خیر .

— فقط قارنده یاپیشیق برتغا وارایدی !

— تمغای ؟

— اشته افندم .

آدمکمز بر مشین پارچه سی چیقاردی که اوزرنده آتیده کی کله لر

باصلمش ایدی !

هامبورغده حیوانات وحشیه تاجری اعمالاتی

آمریقادہ ستون بلده سنره سبرج . ر . طاسکینار

جنابلرینه مخصوص صدر

قولدروب بونی اوقونجه برقهقهه صالیوریدی . شمدی جنوارلری ده
اکلامشیدی .

سپنسر آطه سنی حین مبیاعه .ه مرادده طالب اولان طاسکینار بوراده
رقیبی راحت برافه مق اوزره بو حیوانلری طوبلامش . کوندرمش ،
طوبلا یوب صالیورمش دیمک !

آرتق فینا آطه سنده مجهول بر جهت قاله مشیدی .

فینا دیدی که :

— لکن بو جنوارلر اوراده ایکن سپنسر آطه سی قابل اسکنان
اوله ضا !

— سپنسر آطه سی دکل ، فینا آطه سی . . .

قولدروب دیدی که :

— آدم سنده ، او جنوارلر قیشه دایانه ض ، هم اولزسه هب بردن

آوجیلیق بیار ، طوبلارز .

— صوک —